

Oh nahò:ten teiotohontsióhon ne tahsatóhetste ne è:neken tsi ionteweienstákhwa?

18 kwah teiotohontsióhon aesathiá:tonhse

Ronteweiénstha entá:on'k tenhontén:tsha ne enhatíhsere kwah teiotohontsióhon aesathiá:tonhse ahsí:na ne Kaniatari:io Tekenihatón:ke Tsi ionteweienstákhwa teiotohetstákhwa aohiatónhsera:

4	ensathiá:tonhse ne Kiohrhén:sa (1 ensathiá:tonhse/tsi kahiá:ton)*
3	ensathiá:tonhse ne ionsetákhwa (1 ensathiá:tonhse ne tsi kahiá:ton 11 tóka ó:ni 12)
2	ensathiá:tonhse ne onhwentsia'kékha
1	ensathiá:tonhse ne Korahnéha Tsi nontaiotónhákie
1	ensathiá:tonhse ne Korahnéha Tsi niionhwentsió:tens
1	ensathiá:tonhse ne Tsi iehiatónhkwa
1	ensathiá:tonhse ne ata'karitéhtshera tánon tsi ronkia'tahkariohstánions ahonwatirihónnien
1	ensathiá:tonhse ne Oserón:ni tsi ní:ioht ne tekeníhaton owén:na
0.5	ensathiá:tonhse ne tsi nahò:ten sarákwen enhsatéweienste
0.5	ensathiá:tonhse ne tsi nitisahetrahtí:nion

lehskaíéhston, ronteweiénstha entá:on'k enhatíhsa:

✓	12 thihotirákwen ensathiá:tonhse†
✓	40 nikahwistá:'eke ne kanatá:ke enhonkiá:taren tsi nenhónkiere
✓	Ne tekahontsiakhanion tsi ní:ioht enhatikaratónnion teiotohontsióhon

Ó:ni énska enhonathíá:tonhse kí:ken tekanenhrá:te:

Skanèn:ra 1:

- Kiohrhén:sa tóka ó:ni Oserón:ni tsi ní:ioht ne tekeníhaton owén:na **
- ne Onkwehonwehnéha owén:na
- ne ka'nikonhrahserón:ni iorihwakaión:seron tóka ó:ni ne tsi na'teionhwentsiaterónnion owén:na
- onkwe'ta'kékson onhwentsia'kékha tánon ne onkwehshón:'a
- Korahnéha tánon onhwentsiakwé:kon enhontéweienste
- enhsneháharachte tánon tsi nahò:ten enhserá:ko ahsheweientéhta'ne
- Tekarihwaienawá:kon karihonnién:ni***

1

Skanèn:ra 2:

- Ata'karitéhtshera tánon tsi ionkia'tahkariohstánions ahonwatirihónnien
- Tsi iehiatónhkwa
- Ronahtenkia'tánion ronteweiénstha
- Oserón:ni tsi ní:ioht ne tekeníhaton owén:na**
- Tekarihwaienawá:kon karihonnién:ni***

1

Skanèn:ra 3:

- Onhwentsia'kékha (tsi kahiá:ton 11 tóka ó:ni 12)
- Tekaronwarahonterónnion karihonnién:ni
- Oserón:ni tsi ní:ioht ne tekeníhaton owén:na**
- Kawennaráhstha aiontéweienste
- Tekarihwaienawá:kon karihonnién:ni***

1

* Ne ieió:to'kte ne 3 ensathiá:tonhse in Kiohrhén:sa tsi ní:ioht ne tekeníhaton owén:na (ESL) tóka ó:ni Kiohrhén:sa enhatikaratónnion enhonnehiá:ron (ELD) enwá:ton enwatáhsete ne 4 teiotohontsióhon wathiatónhkwa ne Kiohrhén:sa, né:k tsi kaieríhaton entá:on'k ne wathiatónhkwa tenhsatén:tsha né'e ne Tsi kahiá:ton 12 teiotohontsióhon Kiohrhén:sa tsi nahò:ten ronteweiénstha.

** Ne kanenhra'shón:'a 1, 2, tánon 3, ne ieió:to'kte ne 2 wathiatónhkwa ne Oserón:ni tsi ní:ioht ne tekeníhaton owén:na enwá:ton enwatáhsete tsi ní:ioht ne kwah teiotohontsióhon wathiatónhkwa, énska enkarákwen ne kanèn:ra 1 tánon énska enkarákwen thikawenni:io kanèn:ra 2 tóka ó:ni kanèn:ra 3.

*** Ne ieió:to'kte ne 2 wathiatónhkwa in Tekarihwaienawá:kon ronateweienston enwá:ton enwatáhsete tsi ní:ioht tsi kwah teiotohontsióhon wathiatónhkwa.

† Ne 12 thihotirákwen wathiatónhkwa enwá:ton enká:rake tsi nií:re ne 4 wathiatónhkwa tehonatén:tshon teiotohéston karihwanonhwé:'on tékeni wathiatónhkwa tsi nahò:ten ronteweiénstha.